

北京圖書館 編

北京圖書館藏珍本
年譜叢刊



第 61 冊


北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 61 冊



第六十一冊目錄

先忠節公年譜略	一
天山自叙年譜	二一九
倪文正公年譜	二六九
陳忠潔公年譜	四六五
忠節吳次尾先生年譜	四九三
吳先生年譜	六九九
張忠敏公年譜	七二一

先忠節公年譜畧

明中憲大夫蘇嵩兵備副使武水姻弟蔣英書諱
不孝次男蕃昌謹述

乙酉改元春三月旣望。不孝孤子吳蕃昌謹
稽顙泣血。祇告於 當世立德立言大人先
生下執事。嗚呼悲哉。邦家鞠凶。率土痛崩。
隨先忠節不敢墜先王教。毋教命身蹈先
皇帝之難。蕃昌聞言。不能北。何則。則先
君有臣。臣不有子。惟蕃昌不孝。無論先王

列亞卿及身早從博士遊持弟子籍以講論
大義爲務而念羈貫以來衣析先臣之衣
食拜先臣之奉秩無寒無饑底于成人
恩且深矣不能極節勉死異於民伍惟蕃昌
不孝大禍驟臻匈臆摧敗乃蓬首齎面累牴
而走百里一舍慟或未竭竭未卽賁天乎其
克手屬續于寢堂而中霤舍乎與于哭泣之
位而承衾說髦乎窮天地之呼無以畢其哀
嗟乎已矣惟蕃昌不孝且不能負土而襄大

事日月以幾。乃葬乃祠。弗克早膺。恩命。惴惴寔封。無以爲禮。又不獲穿處冢廬。滅謝人事。而猶言猶食。偷視累息。疾且藥。瘍則沐。頰叩如故。爲人臣子。固如是乎。惟蕃昌不孝。伏念先忠節行已立政。自建及莆。內側于垣底。乎奉嘗。克有成績。昭垂廟廷。而典策燬滅。同朝賓友。相屬淪亡。無以考引先業。縣蕞故事于草莽。天下後世。將安所取稽。惟蕃昌不孝。嗟予伯兄。洽聞多才。能通知父志。不孝

蚤下世。蕃昌固寡識愚暗。無以傳。沒世。汝
將有失墜。甚懼。入跪請母夫人。出稟諸父。退
接友黨。受書筆牘。而重阨多難。神志荒耗。收
召垂殯之魄。不終輻紙。則盡然鋒矢摧心。匈
洎血下濡苦石矣。惟蕃昌不孝。顧所攬拾。曹
曹無復訾省。千萬亾而一存。其與存者有幾。
嗟乎。終已矣乎。竊冀采選倫誼。續百世史。與
經營文詞。垂一家言者。憐其志。畧其辭。覽而
動心。予以不朽。誠甚盛誼。惟蕃昌不孝。非所

敢望謹具年譜一卷。稽顙陳上如左。

神宗皇帝萬曆二十一年癸巳

春二月乙卯。十有八日。癸卯。大人生。乙卯之初刻也。先曾王父達泉公感夢五神吏。皆裁冠珮。帶登堂皇。列坐。公親拜其下。手爇一香。香煇煇爲數丈光。上屬于室。因驚寤。而王父踰戶入告大人乳。曾王父告以佳夢。相向喜悅。按伯父中丞公哭太人詩首章云。神祖廿一載。予生始六朞。仲月癸卯吉。吾弟寔覽揆。王父告佳夢。煌煌兆熊羆。家人喜相慶。吳氏世緒以家牒。涸墜不能遠溯。仲氏好男兒。

近可言者。天台郡人也。宗人或渡江跡之。得逸譜。多紀甲第賢貴。族居天台深山中。村曰水竹村。同居數十世。祠壟坊楔。自唐宋來。尙有存者。明興。洪武初。誠意劉公基信國湯公和經浙西。澍水。奏當海衝。宜城。詔爲城。且移近地。右姓寔之。始遷祖申巳公。諱忠。家之季子也。乃應募徙居。澍屬海鹽。遂爲海鹽吳氏。初世猶歸葬天台山。嗣有節婦者。負夫骸而歸。宗人難之。曰。外死者。不得與于家墓俗也。節婦請曰。如我何。

宗人曰。視女丘首。則耐女。節婦乃絕食三日。盡
吞所負之骨。經于壟木。宗人痛之。遂厚瘞焉。有
司上奇烈于朝。表識其處。或云。卒遷於澠之
南原。後遂無歸葬者。數傳至晴溪。達泉二公兄
弟皆嗜學。爲儒不就。隱鬻販中。皆有殊行。晴溪
公嘗折券棄責數十家。達泉公爲市。每納人贖
錢。歸楊淑人。乘夜簡之。投智井中。相謂曰。寧人
給。無留給人。蓋尙寬大。植德誼。類如此。其訓教
子孫誦書。必曰。非徒名高。當以報國。先蕭縣

公司寇公始兄弟顯貴。蕭縣公爲政有聲。及解組賦歸。力學承先儒緒。隱南湖。學者尊爲南湖夫子。司寇公忠盡表著。神廟以來四朝。行政半天下。歸朝。劾婪司農。首牴大璫指。去位。論定。詔起田間。謝不赴。卒于家。先帝輟朝震悼。予葬祭有加。當世稱榮焉。先伯父中丞公學本蕭縣。先大人學本司寇。兄弟復同舉賢書。聲藉江南。吳氏遂稱著姓。大人諱麟徵。字聖生。號磊齋。後甲戌去官。改雕菴。癸未改果齋。家絲居。嘗署日獅壘。日竹田。日蛭園。主人。

大人溯先世子介公諱容。爲五世祖。容生翠峯公諱崑。爲大人高祖。崑生仰峯公諱芸。以孫司寇公貴。贈大中大夫。光祿寺卿。爲大人曾祖。娶于李。贈淑人。公四子。伯諱霽。晴溪公也。以子司寇貴。贈大中大夫。光祿寺卿。仲諱霽。叔諱雱。不再傳。季諱震。達泉公也。爲大人祖。以大人殉難。贈通議大夫。兵部右侍郎。晴溪公子二。長蕭縣公諱之英。字心沂。萬曆癸卯舉孝廉。授文林郎。蕭縣尹。次司寇公諱中偉。字生白。萬

曆丁酉。舉孝廉。戊戌。成進士。達泉公娶于楊。贈淑人。子二。長諱中任。大父巨源公也。次中行。字道傳。補邑博士員。大父巨源公。初以伯父毘陵報政。拜恩封文林郎。再以南功曹。晉封承德郎。以大人殉難。贈通議大夫。兵部右侍郎。大母王淑人。繼大母黃淑人。

萬曆二十二年甲午

大人二歲

萬曆二十三年乙未

大人三歲

萬曆二十四年丙申

大人四歲

萬曆二十五年丁酉

大母王淑人卒。大人五歲

按伯父哭大人詩第二章云。嗟予風多患

仲弱體亦羸。十齡予痛母。時爾未知悲。大人繞戶哭。聲響裂牀幃。手撫二黃口。一語一泪垂。并自註云。歲丁酉二月十七日。太夫人王棄世。余病足不能興。僅烏烏泣。弟才五齡。忽一日。閉目不視。先君方哀苦。復傷二子。廢頓足呼天。聲出戶外。明日。弟視如故。子經年始瘳。

萬曆二十六年戊戌

大人六歲。大父繼娶大母黃氏。伯父中丞公麟。瑞暨大人。查氏姑。皆王淑人出。兩叔父江西別駕麟武。邑文學麟士。及呂氏沈氏趙氏姑。又沈氏姑。繇黃淑人出。淑人視前子過已子。撫愛特至。是歲。大人始就塾。從鳳池錢先生。同伯父稟學焉。大人資性凝重。篤於所習。危坐木榻。未嘗移膝。獨過市中。行吟經書。日不左右顧。往往迷巷。事先生禮尤謹。先生之門未啓。恒抱書立良久。日暮。諸生散。獨留灑掃。正明日席。乃揖退。按伯

父哭大人詩第三章云六齡爾就傅與我同一
席爾誦我提撕爾啼我哽噎追思兩年內憂喜
靡甦隔過此異師承相歡僅晨夕又自註云
余年十一偕弟就塾閱再期易舉業師去

萬曆二十七年己亥

大人七歲

萬曆二十八年庚子

大人八歲

萬曆二十九年辛丑

大人九歲

萬曆三十年壬寅

大人十歲與從叔父麟祥

蕭縣公長子

同事心垣羅

師未滿歲會輟講復歸錢師

萬曆三十一年癸卯

大人年十一更事養素鄭師

萬曆三十二年甲辰

大人年十二再與從叔父事養素鄭師祖膈月
日會輟書卷同學相聚嬉弄或身狀古人故事
以爲笑樂強大人一爲之乃擬宋文丞相對置
字羅狀詞氣慷慨傾動左右擬字羅者致惛怖